

雜寶藏經

卷二

四百卅二  
卷二

51006



元祿九年丙子二月日重修

皇國聖業圖 帝曆綴昌

佛日增輝 懋輪常轉

山城州天安寺法金剛院置

法金剛院藏



雜寶藏經卷第二

元魏沙門吉迦夜共曇曜

譯



敬馬

六牙白象因緣第十

昔舍衛國有一大長者生一女子自識宿命  
初生能語而作是言不善所作不好所作無  
慙所作惡害所作背恩所作作此語已默然

而止此女生時有大福德即為立字名之為  
賢漸漸長大極敬袈裟以恭敬袈裟因緣出  
家作比丘尼不到佛邊精勤修習即得羅漢  
悔不至佛邊便往佛所向佛懺悔佛言我於  
彼時已受懺悔諸比丘疑悔問佛此賢比丘  
尼何以故從出家來不見佛今日得見佛懺



悔有何因緣佛即爲說因緣昔日有六牙白象多諸羣衆此白象有二婦一名賢二名善賢林中遊行遇值蓮華意欲與賢善賢奪去賢見奪華生嫉妬心彼象愛於善賢而不愛我時彼山中有佛塔賢常將菓供養即發願言我生人中自識宿命并拔此白象牙故即上山頭自撲而死尋生毗提醯王家作女自知宿命年旣長大與梵摩達王爲婦念其宿怨語梵摩達言與我象牙作床者我能活耳若不介者我不能活梵摩達王即募獵者若有能得象牙來者當與百兩金即時獵師詐被袈裟挾弓毒箭往至象所時象婦善賢見獵

師已即語象王彼有人來象王問言者何衣服  
答言身著袈裟象王言袈裟中必當有善  
無有惡也獵師於是遂便得近以毒箭射善  
賢語其夫汝言袈裟中有善無惡云何如此  
答言非袈裟過乃是心中煩惱過也善賢即  
欲害彼獵師象王種種慰喻說法不聽令害  
又復畏五百群象必殺此獵師歲著竒聞五  
百羣象皆遣遠去問獵師言汝須何物而射  
於我答言我無所須梵摩達王募索汝牙故  
來欲取象言若取答言不敢自取如是慈悲  
覆育於我我若自取手當爛墮白象即時向  
大樹所自拔牙出以鼻絞捉發願而與以牙

布施願我將來拔一切衆生三毒之牙獵師  
取牙便與梵摩達王尔時夫人得此牙已便  
生悔心而作是言我今云何取此賢勝淨戒  
之牙大修功德而發誓言願使彼將來得成  
佛時於彼法中出家學道得阿羅漢汝等當  
知尔時白象我身是也尔時獵師者提婆達  
多是也尔時賢者今比丘尼是也尔時善賢  
者耶輸陀羅比丘尼是

雜寶藏經兔自燒身供養大仙緣第十一

舍衛國有一長者子於佛法中出家常樂親  
里眷屬不樂欲與道人共事亦不樂於讀經  
行道佛勅此比丘使向阿練若處精勤修習

得阿羅漢六通具足諸比丘疑恠而白佛言  
世尊出世甚竒甚特如是長者子能安立使  
得阿練若處得阿羅漢道具六神通佛告諸  
比丘非但今日能得安立乃於往昔已善安  
立諸比丘白佛言不審世尊過去安立其事  
云何佛告諸比丘過去之時有一仙人在山  
林間時世大旱山中菓菰根莖枝葉悉皆枯  
乾尔時仙人共兔親善而語兔言我今欲入  
聚落乞食兔言莫去我當與汝食於是兔便  
自拾薪聚又語仙人必受我食天當降雨汝  
三日住華菓還出便可採食莫趣人間作是  
語已即大然火投身著中仙人見已作是思

惟此兔慈仁我之善伴爲我食故能捨身命  
實是難事時彼仙人生大苦惱即取食之菩  
薩爲此難行苦行釋提桓因宮殿震動而自  
念言今以何因緣宮殿震動觀察知是兔能  
爲難事感其所爲即便降雨仙人遂往還食  
菓茲尔時修習得五神通欲知尔時五通仙  
者今比丘是也尔時兔者今我身是也我捨  
身故使彼仙人住阿練若處獲五神通况我  
今日不能令此比丘遠離眷屬住阿練若住  
處得阿羅漢獲六神通

雜寶藏經善惡獼猴緣第十二

佛在王舍城諸比丘白佛言世尊依止提婆



達多常得苦惱依止如來世尊者現得安樂  
後生善處得解脫道佛告比丘言非但今日  
乃往過去時有二獼猴各有五百眷屬值迦  
尸王子遊獵園將欲至一善獼猴語一惡獼  
猴言我等今渡此河可得免難惡獼猴言我  
不能渡善獼猴語諸獼猴言毗多羅樹枝幹  
極長即挽樹枝度五百眷屬惡獼猴眷屬以  
不度故即爲王子之所獲得尔時善獼猴者  
我身是也尔時惡獼猴者提婆達多是所將眷  
屬尔時苦惱今依止者亦復如是尔時依止  
我者長夜受樂現得名稱供養將來得人  
解脫尔時依止提婆達多者長夜受衰苦現

身得惡名稱人不供養將來墮三惡道是故  
諸比丘應常遠離惡知識親近善知識善知  
識者長夜與人安隱快樂以是之故應當親  
近善知識惡知識應當遠離所以者何惡知  
識者能焦燒然今世後世衆苦聚集

雜寶藏經佛以智水滅三火緣第十三

有國名南方山佛欲往彼國於中路至一聚  
落宿值彼聚落造作吉會飲酒醉亂不覺火  
起燒此聚落諸人驚怕莫知所趣各相謂言  
我等唯依憑佛所可免火難便白佛言世尊  
願見救濟佛言一切衆生皆有二火貪欲瞋  
怒愚癡之火我以智水滅此三火此言若實

此火當滅作是語已火即時滅諸人歡喜信  
重於佛佛爲說法得須陀洹道諸比丘疑恠  
世尊出世甚奇甚特爲此村落作大利益聚  
落火滅心垢亦滅佛言非但今日爲作利益  
於過去世亦曾爲彼諸人作大利益諸比丘  
問言不審世尊過去利益其事云何佛言過  
去之世雪山一面有大竹林多諸鳥獸依彼  
林住有一鸚鵡名歡喜自彼時林中風吹兩竹  
共相錯磨其間火出燒彼竹林鳥獸恐怖無  
歸依處爾時鸚鵡深生悲心憐彼鳥獸投翅  
到水以灑火上悲心精勤故感帝釋宮令大  
震動釋提桓因以天眼觀有何因緣我宮殿

動乃見世間有一鸚鵡心懷大悲欲救濟火  
盡其身力不能滅火釋提桓因即向鸚鵡所  
而語之言此林廣大數千万里汝之翅羽所  
取之水不過數滴何以能滅如此大火鸚鵡  
荅言我心弘曠精勤不懈必當滅火若盡此  
身不能滅者更受來身誓必滅之釋提桓因  
感其志意為降大雨火即得滅尔時鸚鵡今  
我身是尔時林中諸鳥獸者今大聚落人民  
是也我於尔時為滅彼火使其得安今亦滅  
火令使得安又問復以何緣得見諦道佛言  
此諸人民迦葉佛時受持五戒由是因緣今  
得見諦獲須陀洹道

雜寶藏經波羅奈國有長者子共行天神感

王行孝緣第十四

如是我聞一時佛在舍衛國告諸比丘言若  
有人欲得梵天王在家中者能孝養父母梵  
天即在家中欲使帝釋在家中者能孝養父  
母即是帝釋在家中欲得一切天神在家中  
者但供養父母當知一切天神已在家中但  
能供養父母便為和尚已在家中欲得阿闍  
梨在家中者但供養父母即是阿闍梨在其  
家中若欲供養諸賢聖及佛若供養父母諸  
賢聖及佛即在家中諸比丘言如來世尊極  
為希有恭敬父母佛言非但今日極為希有

恭敬父母於過去世亦常希有恭敬父母比  
丘問言過去恭敬其事云何佛言往昔波羅  
柰國有一貧人唯生一子然此一子多有兒  
息其家貧窮時世飢儉以其父母生埋地中  
養活兒子隣比問言汝父母爲何所在荅言  
我父母年老歸當至死我便埋之以父母食  
分欲養兒子使得長太第二家聞謂此是理  
如此展轉遍波羅柰國即以爲法復有一長  
者亦生一子此子聞之以爲非是即作是念  
當作何方便却此非法遂白父言父今可應  
遠行學讀使知經論其父便去少得學讀而  
便還家年轉老大子爲掘地作好屋舍以父

者中與好飲食作是思惟誰當共我除此非法天神現身而語之言我今與汝以爲伴侶天神疏紙問王四事若能解此疏上事者爲汝擁護若不解者却後七日當破王頭令作七分四種問者一者何物是第一財二者何物最爲樂三者何物味中勝四問何物壽最長勝著王門上國王得已搜問國中誰解此者若有解者欲求何事皆滿所願長者子取此文書盡解其義信爲第一財正法最爲樂實語第一味智慧命第一解此義已還著王門頭天神見已心大歡喜王亦大歡喜王問長者子言誰教汝此語荅言我父教我王言汝

父安在長者子言願王施無畏我父實老違  
國法故藏著地中願聽臣所說大王父母恩  
重猶如天地懷抱十月推乾去濕乳哺養大  
教授人事此身成立皆由是父母得見日月  
生活所作父母之力假使左肩擔父右肩擔  
母行到百年復種種供養猶不能報父母之  
恩時王問言汝欲求何等答言更無所求唯  
願大王去此惡法王可其言宣下國內若有  
不孝於父母者當重治其罪欲知爾時長者  
子今我身是我於尔時爲彼一國除却惡法  
成就孝順之法以此因緣自致成佛是以今  
日亦復讚歎孝順之法



寶藏經迦尸國王白香象養盲父母并和二  
國緣第十五

昔佛在舍衛國告諸比丘尼有八種人應使  
定施不復生疑父母以佛及弟子遠來之人  
遠去之人病人看病者諸比丘白佛言如來  
世尊甚奇甚特於父母所常讚歎恭敬佛言  
我非但今日過去已來恒尊重恭敬諸比丘  
問言尊重讚歎其事云何佛言過去久遠有  
二國王一是迦尸國王二是比提醯國王比  
提醯王有大香象以香象力摧伏迦尸王軍  
迦尸王作是念言我今云何當得香象摧伏

提醯王軍時有人言我見山中有一白香

象王聞此已即便募言誰能得彼香象者我  
當重賞有人募言多集軍衆往取彼象象思  
惟言若我遠去父母盲老不如調順往至王  
所亦時衆人便將香象向於王邊王大歡喜  
爲作好屋氍毹毼毼敷著其下與諸伎女彈  
琴鼓瑟以娛樂之與象飲食不肯食之時守  
象人來白王言象不肯食王自向象所上古  
畜生皆解人語王問象言汝何故不食象荅  
言我有父母年老眼盲無與水草者父母不  
食我云何食象白王言我欲去者王諸軍衆  
無能遮我但以父母盲老順王來耳王今見  
聽還去供養終其年壽自當還來王聞此語

極大歡喜我當便是人頭之象此象乃是象  
頭之人先迦尸國人惡賤父母無供養心因  
此象故王即宣令一切國內若不孝供養父  
母者當與大罪尋即放象還父母所供養父  
母隨壽長短父母喪亡還來王所王得白象  
甚大歡喜即莊嚴欲伐彼國象語王言莫與  
鬪諍凡鬪諍法多所傷害王言彼欺凌我象  
言聽我使往令彼怨敵不敢欺侮王言汝若  
去者或能不還荅言無能遮我使不還者象  
即於是往彼國中比提醯王聞象來至極大  
歡喜自出往迎既見象已而語之言即住我  
國象白王言不得即住我立身來不違言誓

先許彼王當還其國汝二國王應除怨惡自  
安其國豈不快乎即說偈言

得勝增長怨

負則益憂苦

不諍勝負者

其樂最第一

尔時此象說此偈已即還迦尸國從是以後

二國和好尔時迦尸國王今波斯匿王是也

提醯王阿闍世王是尔時白象今我身是由  
我尔時孝養父母故今多衆生亦孝養父母  
尔時能使二國和好今日亦尔

雜寶藏經波羅柰國弟微諫兄遂徹承相勸  
王教化天下緣第十六

昔者世尊語諸比丘當知往昔波羅柰國有

不善法流行於世父年六十與著敷麩使守門戶尔時有兄弟二人兄語弟言汝與父敷屢使令守門屋中唯一敷麩小弟便截半與父而白父言大兄與父非我所與大兄教父使守門兄向弟言何不盡與敷麩截半與之弟荅言適有一敷麩不截半與後更何處得兄回言欲更與誰弟言豈可不留與兄也兄言何以與我弟言兄當年老兄子亦當安兄置於門中兄聞此語驚愕曰我亦當如是也弟言誰當代兄便語兄言如此惡法宜共除捨兄弟相將共至輔相所以此言論向輔相說輔相荅言實尔我等亦有老輔相啓王

王可此語宜令國界孝養父母斷先非法不聽更介

雜寶藏經梵摩達夫人妬忌傷子法護緣第  
十七

佛在王舍城語提婆達多言我恒深心慈念於汝及身口意於汝無惡今可共懺提婆達多罵詈而去諸比丘言去何如來慈心若此提婆達多反更惡罵佛言非但今日於過去時波羅柰國有王名梵摩達夫人名不善意有子法護聰明慈仁就師教學時梵摩王將諸姝女於園苑中而遊戲安樂以飲殘酒送與夫人夫人瞋恚而作是言我寧刺法護咽

中取血而飲不飲此酒王聞是語瞋恚而言  
學中喚法護來法護來已欲刺其咽子白父  
言我無過罪王唯有一子何爲殺我王言我  
不殺汝汝母意耳能白汝母懺悔今使歡喜  
終不殺汝兒即向母懺悔而作是言唯有我  
一子亦無過罪何爲殺我母不受悔便刺兒  
咽與血使飲佛言尔時父王者拘迦離是彼  
時母者提婆達多是彼時子者我身是也我  
於尔時都無惡心不受我悔今日亦尔不受  
我悔我於尔時雖爲所殺都無一念瞋恨之  
心況於今日而當忿恚有惡心也

雜寶藏經駟驃比丘被謗緣第十八

昔有比丘名曰駝驃有大力士力出家精勤  
得阿羅漢威德具足恒營僧事五指出光而  
賦衆僧種種敷具由是佛說營事第一彌多  
比丘自薄福德當次會處飲食屢惡乃反恚  
言若此駝驃料理僧事我終不得好食自活  
當設方便彌多有姊作比丘尼往共相教謗  
於駝驃乃至滿三駝驃厭惡即昇虛空作十  
八變入火光三昧於虛空中如火炎滅無有  
屍骸誹謗貪嫉能使賢聖猶尚滅身况復凡  
夫是以智者當慎誹謗莫輕言說時諸比丘  
即便問佛駝驃比丘有何因緣而被誹謗復  
以何緣得是大力復以何因逮得羅漢佛言



過去世時人壽二萬歲時有佛名曰迦葉亦  
時迦葉佛法中有年少比丘面目端正顏色  
美妙彼年少比丘乞食未還有一少婦惑著  
是色看此比丘眼不捨離馳騁比丘時為倉  
監會見此婦隨逐比丘目不暫捨即便謗言  
此女必與彼比丘通由是因緣墮三惡道受  
苦無量乃至今日餘殃不盡猶被誹謗又以  
過去迦葉佛時出家學道今得羅漢以其過  
去經營僧事驢馱米麵溺於深泥即能挽出  
緣是之故得力士力

雜寶藏經離越被謗緣第十九

昔罽賓國有離越阿羅漢山中坐禪有一人

失牛追逐蹤跡逕至其所介時離越煮草染  
衣衣自然變作牛皮滌汁變成爲血所煮滌  
草變成牛肉所持鉢盂變爲牛頭牛王見已  
即捉收縛將詣於王王即付獄中經十二年  
恒爲獄監食馬除糞離越弟子得羅漢者有  
五百人觀覓其師不知所在業緣欲盡有一  
弟子見師乃在罽賓獄中即來告王我師離  
越在王獄中見爲料理王即遣人就獄檢校  
王人至獄唯見有一人威色憔悴鬚髮極長  
而爲獄監食馬除糞還白王言獄中都無沙  
門道士唯有獄卒比丘弟子復白王言願但  
設教諸有比丘悉聽出獄王即宣命諸有道

人悉皆出獄尊者離越於其獄中鬚髮自落  
袈裟著身踊在虛空作十八變王見是事歎  
未曾有五體投地白尊者言願受我懺悔即  
時來下受王懺悔王即問言以何業緣在於  
獄中受苦經年尊者荅言我於往昔亦曾失  
牛隨逐蹤跡至一山中見辟支佛獨處坐禪  
便誣謗經一日一夜以是因緣墮落三塗苦  
毒無量餘殃不盡至得羅漢猶被誹謗  
雜寶藏經波斯匿王醜女賴提緣第二十  
昔波斯匿王有女名曰賴提有十八醜都不  
似人見皆恐怕時波斯匿王募於國中其有  
族姓長者之子窮寒孤獨者仰使將來尔時

市邊有長者子孤獨單已乞索自活募人見  
之將來詣王王將此人入於後園而約勅言  
吾生一女形貌醜惡不中示人今欲妻卿可  
得尔不時長者子白王言王所約勅假使是  
狗猶尚不辭何況王女而不可也王尋妻之  
爲立宮室約勅長者子言此女形醜慎莫示  
人出則鎖門入即閉戶以爲常則有諸長者  
子共爲親友飲醪遊戲每於會日諸長者子  
婦皆來集會准此王女獨自不來於是諸人  
共作要言後日更會仰將婦來有不來者重  
譴財物遂復作會貧長者子猶故如前不將  
婦來諸人便共重加賞罰貧長者子敬受其

罰諸人已復共作要言明日更會不將婦來  
復當重罰如是被罰乃至二三亦不將來詣  
於會所貧長者子後到家中語其婦言我數  
坐汝爲人所罰婦言何故夫言諸人有要飲  
會之日盡仰將婦詣於會所我被王勅不聽  
將汝以示外人故數被罰婦聞此語甚大慚  
愧深自悼慨晝夜念佛於是後日更設醮會  
夫復獨去婦於室內倍加懇惻而發願言如  
來出世多所利益我今罪惡獨不蒙潤佛感  
其心志從地踊出始見佛髮敬重歡喜已髮  
即異變成好髮次見佛額漸覩眉目耳鼻身  
口隨所見已歡喜轉深其身即變醜惡都盡

貌同諸天諸長者子密共議言王女所以不  
來會者必當端正異於常人或當絕醜是故  
不來我等今當勸其夫酒令無覺知解取籥  
起開門往看即飲使醉解取籥起相將共往  
開門看之見此王女端正無雙便還閉門詣  
於本處尔時其夫猶故未悟遂以籥起繫著  
腰下其夫覺已尋還向家開門見婦端正殊  
異恠而問之汝何天神處我屋宅婦言我是  
君婦賴提夫恠而問之所以卒尔婦時荅言  
我聞君數坐我被罰心生慚愧懇惻念佛尋  
見如來從地踊出見已歡喜身體變好貧長  
者子極大歡喜尋入白王王女身體自然變

好今求見王王聞歡喜尋即喚看見雖歡喜  
情甚疑恠將詣佛所而白佛言世尊此女何  
緣生於深宮身體醜惡人見驚恠復以何因  
今卒變好佛告王言乃往過去有辟支佛日  
日乞食到一長者門前時長者女持食施辟  
支佛見辟支佛身體麤惡而作是言此人醜  
惡形如魚皮髮如馬尾今時長者女者今王  
女是施食因緣生於深宮毀咥辟支佛故身  
體醜惡生慚愧懇惻心故而得見我歡喜心  
故身體變好今時衆會聞佛所說恭敬作禮  
歡喜奉行

雜寶藏經波斯匿王女善光緣第二十一

昔波斯匿王有一女名曰善光聰明端正父  
母憐愍舉宮愛敬父語女言汝因我力舉宮  
愛敬女荅父言我有業力不因父王如是三  
問荅亦如前王時瞋忿今當試汝有自業力  
無自業力約勅左右於此城中覓一最下貧  
窮乞人時奉王教尋便推覓得一窮下將來  
詣王王即以女善光付與窮人王語女言若  
汝自有業力不假我者從今以往事驗可知  
女猶荅言我有業力即共窮人相將出去問  
其夫言汝先有父母不窮人荅言我父先舍  
衛城中第一長者父母居家都以死盡無所  
依怙是以窮乏善光問言汝今頗知故宅處



不荅言知處垣室毀壞遂有空地善光便即  
與夫相將往故舍所周歷案行隨其行處其  
地自陷地中伏藏自然發出即以珍寶雇人  
作舍未盈一月宮室屋宅都悉成就宮人伎  
女充滿其中奴婢僕使不可稱計王卒憶念  
我女善光云何生活有人荅言宮室財錢不  
減於王王言佛語真實自作善惡自受其報  
王女即日遣其夫主往請於王王即受請見  
其家內黷氈毳毼莊嚴舍宅踰於王宮王見  
此已歎未曾有此女自知語皆真實而作是  
言我自作此善自受其報王往問佛此女先  
世作何福業得生王家身有光明佛荅王言

過去九十一劫有佛名毗婆尸彼時有王名  
曰槃頭王有第一夫人毗婆尸佛入涅槃後  
槃頭王以佛舍利起七寶塔王第一夫人以  
天冠拂飾著毗婆尸佛像頂上以天冠中如  
意珠著於振頭光明照世因發頭言使我將  
來身有光明紫磨金色尊榮豪貴莫墮三惡  
八難之處

尔時王第一夫人者今善光是迦葉佛時復  
以餽饍供養迦葉如來及四大聲聞夫主遮  
斷婦勸請言莫斷絕我我今以請使得充足  
夫還聽婦供養得訖尔時夫者今日夫是尔  
時婦者今日婦是夫以尔時遮婦之故恒常

貧窮以還聽故要因其婦得大富貴無其婦  
時後還貧賤善惡業追未曾違錯王聞佛所  
說深達行業不自矜大深生信悟歡喜而去  
雜寶藏經昔者王子兄弟二人被駟出國緣

## 第二十二

昔有王子兄弟二人被駟出國到曠路中糧  
食都盡弟即殺婦分肉與其兄嫂使食兄得  
此肉藏舉不噉自割脚肉夫婦共食弟婦肉  
盡欲得殺嫂兄言莫殺以先藏肉還與弟食  
既過曠野到神仙住處採取花菓以自供食  
弟後病亡唯兄獨在是時王子見一被刑無  
手足人生慈悲心採取菓實活被刑人王子

爲人少於欲事採花菓去其婦在後與別人  
通已有私情深疾其夫於一日中逐夫採花  
至河岸邊而語夫言取樹頭華菓夫語婦言  
下有深河或當墮落婦言以索繫腰我當挽  
索小近岸邊婦排其夫墮著河中以慈善力  
隨水飄去而不沒死於河流有國王崩彼國  
相師推求國中誰應爲王遙見水上有黃雲  
蓋相師占已黃雲蓋下必有神人遣人水中  
而往迎接立以爲王王之舊婦擔彼別人展  
轉乞索到王子國國人皆稱有一好婦擔一  
則鴛恭承孝順乃聞於王王聞是已遣人喚  
來到殿前王問婦言此別人者實尔夫不答

言實是王時語言識我不也荅言不識王言  
汝識某甲不諦向王看然後慙愧王故慈心  
遣人養活佛言欲知王者即我身是尔時婦  
者旃遮婆羅門女帶木杆謗我者是也尔時  
刑手足者提婆達多是

雜寶藏經須達長者婦供養佛獲報緣第二

十三

昔佛在世須達長者最後貧苦財物都盡客  
作傭力得三斗米炊作飲食時炊已訖值阿  
那律來從乞食須達之婦即取其鉢盛滿飯  
與後須菩提摩訶迦葉大目犍連舍利弗等  
次第來乞其婦悉亦各取其鉢盛飯施與末

後世尊自來乞食亦與滿鉢於是須達在外  
行還從婦索食婦荅夫言其若尊者阿那律  
來汝當自食施於尊者荅言寧自不食當施  
尊者若復迦葉大目捷連須菩提舍利弗乃  
至佛來汝當云何荅言寧自不食盡以施與  
婦語夫言朝來諸聖盡來索食所有之食盡  
用施之夫語婦言我等罪盡福德應生即發  
庫中穀帛飲食悉皆充滿用盡復生  
雜寶藏經娑羅那比丘為惡生王所苦惱緣

第二十四

昔優填王子名曰娑羅那心樂佛法出家學  
道頭陀苦行山林樹下坐禪繫念時惡生王

將諸姝女巡歷遊觀。至於此林，頓駕憇息。即便睡眠。諸姝女等以王眠故，即共遊戲於一樹下。見有比丘坐禪念定，往至其所，禮敬問訊。介時，比丘爲其說法。王後尋覺，求覓姝女，遙見樹下有一比丘，顏貌端正，其年壯美。諸姝女等在前聽法，即往問言：「汝等得阿羅漢耶？」  
荅言：「不得得。」阿那含耶？荅言：「不得得。」斯陀含耶？荅言：「不得得。」須陀洹耶？荅言：「不得得。」不淨觀耶？荅言：「不得得。」王便大瞋，作是言：「汝都無所得，去！何以此生死凡夫與諸姝女共一處坐？即捉搦打遍身，傷壞諸姝女。」言此比丘無過。王轉增瞋恚，又見被打，皆哭懊惱。王倍瞋。

劇是時比丘心自念言過去諸佛能忍辱故  
獲無上道又復過去忍辱仙人被他刖耳鼻  
手足猶尚能忍況我今日身形固臆而當不  
忍如此思惟默然忍受受打已竟舉體疼痛  
轉轉增劇不堪其苦復作是念我若在俗是  
國王子當紹王位兵衆勢力不減彼王今日  
以我出家單獨便見欺打深生懊惱即欲罷  
道還歸於家即向和尚迦旃延所辭欲還俗  
和尚荅言汝今身體新打疼痛且待明日小  
住止息然後乃去時娑羅那受教即宿於其  
夜半尊者迦旃延便爲現夢使娑羅那自見  
已身罷道歸家父王已崩即紹王位大集四



兵伐惡生王既至彼國列陣共戰為彼所敗  
兵衆破喪身被囚執時惡生王得娑羅那已  
遣人持刀將欲殺去時娑羅那極大怖畏即  
生心念願見和尚雖為他殺不以為恨時其  
和尚應念知心執錫持鉢欲行乞食於其前  
現而語之言子我常種種為汝說法闡諍求  
勝終不可得不用我教知可如何荅和尚言  
今若救濟弟子之命更不敢尔時迦旃延為  
娑羅那語王人言願小停住聽我啓王救其  
生命作是語已便向王所其後王人不肯待  
任遂將殺去臨欲下刀心中驚怖失聲所覺  
即具以所夢見事往白和尚和尚荅言生死

鬪戰都無有勝所以者何夫鬪戰法以淺他  
為勝殘害之道現在愚情用快其意將來之  
世墮於三塗受苦無量若其不如為他所害  
喪失己身殃延眾庶增他重罪令陷地獄更  
相殘殺怨家不息輪轉五道無有終竟返覆  
尋之何補身瘡考楚之痛汝今欲離生死怖  
懼鞭打痛者當自觀身以息怨謗所以者何  
是身者眾苦之本飢渴寒熱生老病死蚊蝥  
毒獸之所侵害如是諸怨眾多無量汝不能  
報何獨欲報惡生王也欲滅怨者當滅煩惱  
煩惱之怨害無量身世怨雖重止害一身煩  
惱之怨害善法身世怨雖酷止害有漏身穢

之身由是觀之怨害之起煩惱為根汝今不  
伐煩惱之賊云何乃欲伐惡生王也如是種  
種為其說法時娑羅那聞此語已心開意解  
獲須陀洹深樂大法倍加精進未久行道得  
阿羅漢

雜寶藏經昔仇迦離謗舍利弗緣第二十五  
昔有尊者舍利弗目連遊諸聚落到瓦師所  
值天大雨即於中宿會值陶中先有一牧牛  
之女在後深處而聲聞人不入定時無異凡  
夫故不知見彼牧牛女見舍利弗目連其容  
端正心中惑著便失不淨尊者舍利弗目連  
從瓦陶出仇迦離善於形相觀人顏色知作

欲相不作欲相見牧牛女在後而出其女顏  
色有成欲相不知彼女自生惑著而失不淨  
即便謗言尊者舍利弗目連姪牧牛女向諸  
比丘廣說是事時諸比丘即便三諫莫謗尊  
者舍利弗目連時仇迦離心生瞋嫉倍更忿  
盛有一長者名曰娑伽尊者舍利弗目連為  
說法要得阿那含命終生梵天上即稱名為  
婆迦梵時婆迦梵逕於天上知鳩迦離謗尊  
者舍利弗目連即便來下至仇迦離房中仇  
迦離問言汝是阿誰荅言我是婆迦梵為何  
事來梵言我以天耳聞汝謗尊者舍利弗目  
連汝莫說尊者等有如此事如是三諫諫之

不止反作是言汝婆迦梵言得阿那含阿那  
含者名爲不還何以來至我邊若如是者佛  
語亦虛梵言不還者謂不還欲界受生時仇  
迦離於其身上即生惡瘡從頭至足大小如  
豆往至佛所而白佛言云何舍利弗目連姪  
牧牛女佛復諫信汝莫說是舍利弗目連是  
事聞佛此語倍生瞋恚時惡疱瘡轉大如柰  
第二又以此事而白於佛佛復諫言莫說此  
事疱瘡轉大如拳第三不止其疱轉大如瓠  
身體壯熱入冷池中能令冰池甚大沸熱疱  
瘡盡潰即時命終墮摩訶憂波地獄尔時比  
丘白佛言世尊以何因緣尊者舍利弗目連

等爲他重謗佛言過去劫時舍利弗目連等  
曾爲凡夫見辟支佛出瓦師陶中亦有放牛  
女從後而出即便謗言彼比丘者必與此女  
共爲交通由是業緣墮三惡道中受無量苦  
今雖得聖先緣不盡猶被誹謗當知聲聞人  
不能爲衆生作大善知識所以者何若舍利  
弗目連爲仇迦離現少神足仇迦離必免地  
獄不爲現故使仇迦離墮於地獄如此之事  
佛作是說若是菩薩人如鳩留孫佛時有一  
仙人名曰定光共五百仙人在於山林中草  
窟裏住時有婦人偶行在此值天降雨風寒  
理極無避雨處即向定光仙人所寄宿一夜

明日出去諸仙人見之即便謗言此定光仙  
必共彼女作不淨行尔時定光知彼心念恐  
其誹謗墮於地獄即昇虛空高七多羅樹作  
十八變諸仙人見已而作是言身能離地四  
指無有姪欲何況定光昇虛空中有大神變  
而有欲事我等云何於清淨人而起誹謗時  
五百仙即五體投地曲躬懺悔緣是之故得  
免重罪當知菩薩有大方便真是衆生善知  
識也佛言尔時定光仙人者今弥勒是也尔  
時五百仙人者今長老等五百比丘是也

撲

及蒲角

提醢

下

挾

及胡帖

欲

及古

練若

下

及汝

菓菰

及下曾

翅

及施智

涖滴

二同丁

推

及土回

乳舖

下正作毳

毳

上音翟

下音毳

毳

二字音登

鼓瑟

下音

虱

娛

樂

上音欺

侮

下音匿

尼力數

上音毳

句

駝

驃

下音料

理

上音驢

馱

下音溺

及居

倒

誣

謗

上音飲

醺

見下要

於音邀

二同

下

悼

慨

古音盜

頷

二同吾

簞

藥

正作鑰

毀

下音崇

依

下音垣

園

振頭

上直

庚

箒

上音交

矜

居音陵

刑

吾音骨

飄

正作擗

木

杆

下音炊

慤

丘音搗

瓜

及覓

完

同音慧

疼痛

上音錫

先音蚊

蜻

上音

文

下音莫

仇

迦

上音陶

師

上音牧

牛

上音庖



正止  
作蒲  
匏貝  
及  
執  
讀音  
漬  
正携  
作對  
殞及



